



## KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: [www.kwp.gov.my](http://www.kwp.gov.my)

---

# SIARAN MEDIA

## UNTUK LIPUTAN MEDIA MASSA

**KUALA LUMPUR, 28 Februari** – Program Karnival Food Truck 101 Wilayah Persekutuan adalah julung kali diadakan dengan menghimpunkan 30 *food truck* terbaik yang menepati ciri-ciri dan konsep perniagaan *food truck* moden yang diadakan di Kuala Lumpur Sentral hari ini.

Program ini adalah usaha sama antara Kementerian Wilayah Persekutuan (KWP), Dewan Bandaraya Kuala Lumpur (DBKL), Institut Keusahawanan (INSKEN) dan Kelab Trak Makanan Bandaraya Kuala Lumpur.

Dengan bertemakan “*food truck is lifestyle*”, program ini bakal memperkenalkan konsep “*food truck park*” yang akan mewarnai landskap industri pelancongan kulineri di Wilayah Persekutuan yang menepati ciri-ciri gaya hidup warga kota. Malah *Food truck* ini juga akan menjadi “*streetscape*” kepada penjaja jalanan (street vendor) untuk mentransformasikan perniagaan mereka dari penjaja jalanan kepada usahawan *food truck* yang menjadi pilihan generasi muda masa kini.

Datuk Hajah Rosida binti Jaafar, Timbalan Ketua Setiausaha (Pengurusan dan Sosio Ekonomi) KWP turut hadir bagi sebagai tanda sokongan kepada pengusaha Food Truck di ibu kota yang sekaligus dapat mempromosikan Bandaraya Kuala Lumpur sebagai destinasi pelancongan kulineri di Malaysia.

KWP turut memberikan bantuan sebanyak RM10,000 sebagai deposit kepada pengusaha *food truck* di bawah agenda memperkasa Bumiputera bagi memulakan perniagaan ini. Sekiranya para usahawan ini memerlukan tambahan bantuan, mereka boleh memohon daripada agensi-agensi Kerajaan lain seperti TEKUN dan MARA. Bagi usahawan baru yang ingin berkecimpung dalam perniagaan ini, Institut Keusahawanan (INSKEN) memberi peluang kepada usahawan dan bakal usahawan untuk merasai sendiri pengalaman menguruskan perniagaan *food truck* dengan bimbingan secara langsung oleh usahawan Berjaya sedia ada. Selain itu juga, satu sesi forum bersama usahawan *food truck* juga diadakan bagi membincangkan hala tuju *food truck* di Malaysia.

Konsep *food truck* adalah menyediakan sajian bertaraf lima bintang ditawarkan pada kadar separuh harga di premis restoran bertaraf lima bintang. Oleh itu, Kementerian berharap agar dapat memperluaskan lagi perniagaan *food truck* ini di seluruh Wilayah Persekutuan kerana perniagaan *food truck* ini dilihat berpotensi untuk memberikan pulangan yang lumayan.

Disediakan Oleh:  
Bahagian Komunikasi Korporat, KWP  
Kuala Lumpur  
28 Februari 2017